

尊聖之事實

聖誕日本會紐
約支會演說稿

平遠湛湛溪

原名祖恩

今日僑旅此間諸君聚首一堂慶祝聖誕。湛溪不敏。敢貢片言。湛溪所欲言者。爲尊聖問題。

吾國自漢以還。上至士夫。下迄牧豎。莫不奉孔子爲人道圭臬。所謂聖人倫之至也。無毀孔者。無輕孔者。故載籍無尊孔之名。尊孔一名。實肇見於前清教育宗旨。近粵人鍾某。倡議不尊孔。蜀之渝城。傳聞有毀孔廟事。中央教育會。有不列尊孔入教育宗旨之提議。於是尊孔乃成爲問題。

欲解決此問題。當由兩方面審察之。一爲理論一方面。一爲事實一方面。如孔子之應否尊。尊孔有利或有害。尊孔與其他立國精神有妨無妨等問題。屬於理論一方面。至事實一方面。假設今日中國人百分之九十不尊孔。則尊孔爲些微少數人之事實。對於全國。無討論之價值。理論繁雜。且據典引經。厭人聽聞。請就事實一方面言之。假設吾國於國民宗教之信仰。有精密之統計。則此問題開卷了然。無事陳說。今無此物。說者見聞有廣狹。判決有正謬。自不免言人人殊。湛溪今日就南北往來耳聞目覩。

者爲諸君言之。字字可以復案。至斷定之當否。則還以質之高明。吾國人可分爲信仰一種。宗教者與不信仰一種。宗教者兩種。後者多。前者少。多少之差。雖不能確指。然南北各地皆視信仰一種。宗教者爲一種。特別人且先述信仰一種宗教者。

在理教 行大江以北。直魯豫三省稱盛。此教始自明清之間。盛於近時。京津等處有公所。入教時。司禮者植一籐。扎巨人。令入教者自其上部入。下部出。取義謂同教者皆此一籐母所生也。入教後不食煙酒茶。尙勤儉。同教相扶持。屢有貧惰人入教後。勤儉致衣食豐足者。鄉人目爲信此教之結果。多歸之。

清油教 不嫁娶。戒飲酒茹葷。主仙昇之說。信者百分之九十或更多。爲婦人。其借以誘人入教之書。爲十仙傳白鶴傳等小說。女子入教後。修煉若干年。齋公（傳教之男教師）始於夜間在一密室。屏他人傳以大道。此教盛行西南。其盛行之故。多因該教注重傳教。入教之人皆有傳教之義務。稱爲渡人。傳至信徒五十人。爲渡滿一船。有升遷獎勵。

燈花教 其行地與性質與清油教同。得名因祝禱時燃燈堂中。教士立燈左右。教徒羅拜。燈花逐長大如七寸徑之盤。此事有友人親見。

儒教 丙午丁酉間。曾遊川黔湘交界地。聞有信儒教者。詢之稱傳教者爲膠庠中人。能爲人超亡設醮。凡僧道所爲之事。渠皆爲之。故信儒教者不信佛道。

此外信一種宗教之中國人。回教徒川滇陝甘新疆稱盛。他省散見。黃教僅及蒙藏。耶教盛於江海各埠。內地亦漸行。河南之青回回（猶太）數至微。

以上各種教徒。除黃教青回回外。回人讀書在外應事者。湛溪未聞。渠置孔子於摩哈墨之下。耶教徒近年教士注重學校。其中彬彬儒雅。與士夫交接者多。不謂孔子不足比。耶穌清油燈花等教士。與之攀談。推崇孔子。與尋常不信一種宗教者。同在理教徒。尊崇孔子。不異常人。

扶鸞事。創自明人袁了凡。近時南北皆有。凡陰隲文及其他稱爲善書者。皆此等人所爲。士夫信之者頗多。其中有家中所祀各神。皆由扶鸞所定。與常人家中不同。又不延僧道者。此種人可歸之不信仰一種宗教之類。但扶鸞者所信。臨壇最尊之神。爲文昌。

文昌。次於孔子。

不信仰一種宗教之人所信之教爲三。超亡用僧。設醮用道。逐鬼用佛。巫道巫。三者實神洲最盛最普之教也。然用僧道巫覡之人皆尊孔之人。置孔子於中。釋迦老子於左右之龕。南北均見焉。

據上事實。湛溪斷曰。中國人百分之九十九尊孔。不尊孔者。滄海一粟。不足比數。凡所持論附之耳後。可也。今日湛溪說此一番。謂之饒舌。可也。

湛溪請以二語了此無討論價值之問題。曰。中國不亡孔子。長尊。